

Vischnaunca da Breil

Lescha davart tener tgauns

2002

-
- | | | |
|------|----|---|
| Art. | 1 | Applicaziun |
| | 2 | Obligaziun d'annunzia |
| | 3 | Obligaziun da pagar taxa |
| | 4 | Liberaziun da taxa |
| | 5 | Termin da pagar la taxa |
| | 6 | Diever dallas taxas da tgauns |
| | 7 | Marcas da tgauns |
| | 8 | Obligaziun da survegionza dil possessur dil tgaun |
| | 9 | Violaziun/sancziuns |
| | 10 | Mulesta e prighel tras tgauns |
| | 11 | Loghens scumandai per tgauns |
| | 12 | Surpassaments |
| | 13 | Recuors |
| | 14 | Vigur |

Art. 1
 Applicaziun Tuts habitonts e hosps, che possedan ni tegnan tgauns ed avdan permanentamein ni per temps enteifer la vischnaunca da Breil ein suttamess allas prescripziuns da questa lescha.

Art. 2
 Obligaziun d'annunzia Scadin possessur da tgauns cun domicil en vischnaunca da Breil ei obligaus d'annunziar siu tgaun alla canzlia communal sco suonda:

- enteifer treis meins dapi la naschientscha dil tgaun
- enteifer 15 dis dapi igl acquist dil tgaun
- enteifer 15 dis suenter ch'il possessur dil tgaun ha priu domicil en vischnaunca.

Art. 3
 Obligaziun da pagar taxa Cun l'annunzia eis ei da pagar ina taxa annuala per il tgaun. Vegnan pliirs tgauns teni en ina casada, vala per igl emprem la taxa sempla. Per scadin ulteriur tgaun vegn la taxa augmentada. L'altezia dalla taxa ei fixada en la lescha da taglia communal.

Art. 4
 Liberaziun da taxa Libers dalla taxa, denton buc dall'obligaziun d'annunziar ein:

- tgauns da sanidad
- tgauns da militar
- tgauns da polizia
- tgauns da securitas
- tgauns da lavinias
- tgauns da tschocs

che stattan el survetsch d'ina instituziun publica ni d'ina organisaziun da liberaziun reconuschida dalla vischnaunca ni che surveschan sco accumpignader da tschocs e che han absolviu ils concernets examens da qualificaziun prescrets.

Ina reducziun dalla taglia da tgauns obtegnan tgauns da pasturs ch'ei stai sil pli pauc duront sissonta dis sin l'alp. Cun presentar in attest dil pastur che muossa ora ch'il tgaun ei staus ad alp vegn la part restituida (lescha da taglia communal).

Art. 5
 Las taxas ston vegnir pagadas mintgamai all'entschatta digl onn calendar, resp. sil pli tard 8 dis suenter l'annunzia d'in tgaun, eventualmein pro rata temporis.
 La cumpetenza da reducir la taxa tenor art. 4 ei resalvada alla suprastanza communal.

Termin da pagar la taxa

Art. 6
 Las taxas da tgauns vegnan duvradas:

Diever dallas taxas da tgauns

- a) per curclar ils cuosts administrativs che sersultan tras l'execuziun da quella lescha.
- b) per construir e mantener ils indrezs publics che surveschan per tener ils tgauns a moda sanadeivla e higienica.

Art. 7
 Annualmein, resp. tier l'annunzia, survegn il possessur d'in tgaun ina marca da metal che sto vegnir fermada vid il cularin dil tgaun e che sto adina vegnir purtada da quel. La marca vala a medem temps sco quittance per la taxa pagada. Per cass ch'ina marca valeivla va a piarder, sto il possessur dil tgaun retrer ina nova marca pagond ina taxa administrativa.

Marcas da tgauns

Art. 8
 Igl ei scumandau da schar trottar entuorn tgauns senza survigilanza. Els ston vegnir menai per la corda, sch'igl ei da temer ch'els savessien bandunar la persuna che ha la survigilanza. Els uauls ston ils tgauns adina vegnir menai per la corda.
 Ils possessurs da tgauns ein obligai da procurar che lur tgauns fetschien buca lur basegns sin vias, passapeis, piazzas e parcs publics e privats. Per quei intent duei ins far diever dallas commoditads da tgauns ton sco zaco pusseivel. Tgauns malsauns ni tals che cuoran ston vegnir menai per la corda.

Obligaziuns da survigilanza dil possessur dil tgaun

Art. 9
 Tgauns che cuoran entuorn senza survigilanza ni che portan negina marca valeivla, excepti ein tgauns da catscha duront la catscha bassa, san vegnir pegliai dils organs forestals, da polizia e da catscha. Vegn il possessur buc enteifer 5 dis per siu tgaun, pagond ina taxa ed ils cuosts per perver, vegn ei decidu tgei far cugl animal senza ch'il possessur sappi pretender ina bonificaziun.

Violaziun dallas obligaziuns tras il possessur dil tgaun, sancziuns

Art. 10
 Mulesta e prighel tras tgauns
 Ils possessurs da tgauns han da procurar che quels mulestien buc vischins e publicum tras canera, tschuffadad ni autruisa. Tgauns che han attaccau, smanatschau ni miers carstgauns ni animals ston vegnir menai per la corda, ston purtar buccari ni vegnir dismiss senza indemnizaziun. Vegn ei inoltrau en quei risguard in'annunzia ni in plogn, relai la suprastanza communal ina decisiun corrispudenta.

Art. 11
 Loghens scumandai per tgauns
 Igl ei scumandau da prender tgauns en scolas, sin plazzas da giugs per affons, en baselgias, santeris, hallas publicas da bogn e bogns libers, en stizuns da victualias e localitads ufficalas. Excepi ein tgauns da tschocs. Medemamein eis ei scumandau da prender tgauns sin pistas da skis e sin loipas da cuorsa liunga buca marcadadas specialmein per quei intent. En parcs ston tgauns vegnir menai per la corda, medemamein ston els era vegnir teni per la corda en ustrias e restaurants publics. Els astgan vegnir perveisi mo ord vischala speciala per tgauns. Els astgan buca far diever da mobillas da seser. Tener tgauns en stizuns da victualias ed en ustrias e restaurants publics ei scumandau.

Art. 12
 Surpassaments
 Surpassaments da questa lescha vegnan puni tras la suprastanza communal cun ina reprimanda ni cun ina fallonza da tochen frs 500.-. Las prescripziuns da leschas federalas e cantunalas restan resalvadas. En cass grevs sa la suprastanza communal decider da dismetter il tgaun senza ch'il possessur sappi pretender ina indemnizaziun. Per cass che quel snega d'ademplier il camond, vegn igl animal dismiss tras la polizia.

Art. 13
 Recuors
 Encunter decisiuns e disposiziuns dalla suprastanza communal sa ei vegnir fatg recuors. Decisiuns e disposiziuns ston cuntener ils mieds legals che stattan a disposiziun al pertuccau.

Art. 14
 Vigur
 Questa lescha va en vigur igl 01 da schaner 2001.

Breil, ils 22-11-2000 **En num dalla suprastanza communal**

Il president: Sep Cathomas

Igl actuar: Fridolin Cahenzli

Approbau dil cussegl da vischnaunca en sia seduta dils 4 da december 2000.

Breil, ils 4-12-2000 **En num dil cussegl da vischnaunca**

La presidenta: Erika Schneider

Il vice-president: Venanzi Caduff

Quella lescha ei approvada dalla radunonza communal dils 8 da december 2000.